

abgenommen / vnd sich zu seiner Verleschung genahet / da er auff den Abend seine stralen vber den andern Stern / welcher in cauda urse majoris einen kleinen neben sich siehen hat / welchen die Ara-her Alcirt, der gemesine Mann den Reiter nennet / geworffen / vnd weil er vmb diese zeit so hoch gegen Mitternacht gestiegen / das er auch alsbald auff den Abend zu sehen gewesen / als haben ihn etliche fur einen andern Cometstern angesehen / sonderlich weil er seinen Schwanz gleichsam gegen Morgen gestreckt. Seine Farbe an- langend / so ist dieselbe nicht einerley gewesen / Denn ob er wol mei- stentheils bleich vnd Saturnisch / auch weislich vnd Jovialisch an- zusehen gewesen / so hat er doch solche Farben bisweilen verendert / das er auch rothlich vnd Martialisch erschienen. In summa / er ist von mir in seinem lauff / hohe / groesse / farbe vnd mit seiner stralen fast vngleich vnd wandelbar observirt worden / denn er sich hierin vielseitig verendert / das ich auch solches / weil hiemit wenigen ge- dienet / mit mehrem zu beschreiben / fur vnnötig erachte.

Wann wir nun die obangezogenen Ursachen / daraus die Cometen zu entstehen pflegen / betrachten vnd erwegen / so ist kein Zweifel / das auch dieser Cometa caudatus ex coeli siderum influxu seinen Ursprung genommen habe / welche diesen heissen und schweflichen Dunst aus der Erden in die Lufte gezogen / daselbst compactiret vnd inflammiret haben. Insonderheit aber / weil der  $\mathfrak{A}$  mit dem  $\mathfrak{Z}$  das dominium vber die revolutionem dieses 1618. Jahrs gehabt / vnd in der  $\mathfrak{s}^{\circ}$  præventionali den  $\mathfrak{D}$  mit sei- nem bösen Gegenschein / vnd die Sonne bald im anfang des Len- gends / durch seine corporalische Zusammenkunfft in signo igne- vbel verleket. Nachmals im Mayo, wann der  $\mathfrak{H}$  ex  $\mathfrak{Y}$ . in  $\mathfrak{P}$ . signum aëreum gelauffen / so ist der  $\mathfrak{A}$  also bald mit dem  $\mathfrak{H}$  zusammen kom- men / vber welche Conjunction der Mars propter latitudinem Septentrionalem die Herrschaft gehabt / Als haben dieser Aspe- cten vnd Conjunctionen wirkungen vñ influence zur attraction vnd